

Kijan pou Mwen Pote Plent Lè yon Moun Rayi m

Moun yo dwe swiv menm pwosesis lè y ap pote plent pou nenpòt lòt krim pou yo pote plent pou krim moun ki rayi moun. Pou krim k ap fèt oswa lòt ijans, rele 911 touswit. Ou ka pote plent pou sityasyon ki pa ijan oswa lòt ensidan ki pase nan estasyon polis ki nan lokalite w la. Ofisye polis yo ap reponn, ba ou èd imedyatman ak mennen yon ankèt preliminè. Si krim lan sanble se akòz prejije, yo pral fè Gwoup k ap Travay sou Krim Moun ki Rayi moun lan konn sa epi y ap mennen yon ankèt ki pi fon.

Moun ki viktim krim rayisman ka konte sou sipò Ofisye Zafè Kominotè ki nan estasyon polis lokal la ak Gwoup k ap Travay sou Krim Moun ki Rayi Moun pou ba ede resevwa èd ki apwopriye. Li enpòtan pou n sonje ke kondisyon imigrasyon yon moun pa ka anpeche yo pote plent pou krim moun ki rayi yo oswa jwenn sèvis ki essansyèl. Gwoup k ap Travay sou Krim Moun ki Rayi Moun nan NYPD pran bonjan angajman pou mennen ankèt sou krim moun ki rayi moun.

Sonje.

Pote plent pou yon krim nan NYPD gen anpil valè pou sekirite piblik. Rele 911 touswit pou w jwenn èd nan sityasyon ijans.

Pou krim ki pa ijan oswa krim ki pase, kontakte estasyon polis ki nan lokalite w la ak **rele Crime Stoppers nan 1-800-577-TIPS** pou w bay enfòmasyon an sekre ki ka ede ankèt la.

Lè w rapòte krim, ou kontribiye pou gen yon kominote ki pi sekirize ak sipòte misyon NYPD pou pwoteje ak sèvi sitwayen ak vizitè Vil Nouyòk yo.



**NYPD
GWROUP K AP TRAVAY
SOU KRIM MOUN KI
RAYI MOUN**

Kisa yon Krim Rayisman ye?

Nenpòt ofans oswa aksyon ki pa respektè lalwa ki fèt anjeneral oswa an pati akòz yon kwayans oswa pèsèpsyon akòz raz, koulè, peyi orijin, zanzèt, sèk, idantite seksyèl oswa ekspresyon, pratik relijye, laj, andikap, oswa oryantasyon seksyèl yon moun kit kwayans lan oswa pèsèpsyon an kòrèk ou pa.

Gwoup k ap Travay sou Krim Moun ki Rayi Moun NYPD

Gwoup k ap Travay sou Krim Moun ki Rayi Moun lan se yon ekip ofisyè polis NYPD ki responsab pou mennen ankèt sou krim ki rive akòz prejije.

Objektif prensipal ofisyè polis sa yo se trennen moun k ap fè krim sa yo lajistis. Avèk konpetans, fòmasyon, ekspètiz espesyal yo, yo mennen bonjan ankèt sou endidan sa yo. Anplis, ekip la kolabore avèk òganizasyon kominotè yo ak lòt ajans fòs lòd pou rive konnen, fè prevansyon ak aprann sou krim moun ki rayi moun. Travay Goup la trè enpòtan pou konbat rayisman ak asire sekirite piblik pou tout moun.

Libète Dekspresyon fas ak Krim Rayisman

Premye Amandman Konstitisyon Etazini asire ke moun yo ka ekspriye opinyon yo avèk libète, kèlkeswa jan yo ofanse lòt moun. Fè distenksyon ant libète dekspresyon ak krim rayisman ka difisil. Kote langaj abizif ak rayisab ka pwoteje pa libète dekspresyon, yon krim rayisman rive lè aksyon yon kriminèl rive fèt akòz idantite viktim lan. Pa egzanp, menm si se yon ofans, rele yon moun nan yon non ki ensiltan oswa yon ensil ka tonbe nan kategori libète dekspresyon. Sepandan, si yon moun sible yon moun akòz ras li epi fè tantativ pou atake li, li vin yon krim rayisman.

Resous

Ajans Sèvis pou Viktim:

- The New York City Mayor's Office of Victim Services
- Safe Horizon

Konsèy ak Sipò Sante Mantal:

- Legal Aid Society
- New York Crime Victims Legal Network

Kominote ak Gwoup Sipò Òganizasyon:

- Crime Victims Treatment Center (CVTC)



NYPD

Depatman Lapolis Vil New York